



PROTOCOL

da la radunanza generela da la societad da chatscheders DrosLöng dals 3 favrer 2022 a las uras 20:15 illa sela polivalenta Cinuos-chel

Preschaints: 33 A
S-chüsos: 8

Il president evra la radunanza e salüda a tuot ils preschaints.

L'invid cullas tractandas es gnieu tramiss a temp ütil a tuot ils commembers. La glista da tractandas vain accepteda.

La radunanza sto sü ün mumaint per s'algurder a noss camarads trapassos Lotar Robbi ed Otto Vital

Erwin Graf e Corrado Robbi vegnan proponieus ed elets scu scrutinaduors.

1. Protocol da la radunanza da prümavaira dals 12 favrer 2021

Il protocol da la radunanza generela vain approvo unanimamaing.

2. Rapports

Presidiel

Gian Andri prelegia il rapport cun las activitads da l'an 2021 e s'ingrazcha per la fiduzcha. Il rapport vain accepto unanimamaing.

Dal schef da chüra (vegn prelet da Gudench Campell causa, cha Steivan as ho s-chüso)
Gudench Campell infurmescha sur da las differentas lavuors da chüra da l'an passo. Il rapport vain accepto unanimamaing.

Dal chaschier (vegn preschanto da Heinz Thomas causa, cha Mattia es in quarantena)
Heinz Thomas preschainta il rendaquint 2021 e declera singulas pusiziuns. L'an 2021 serra cun ün guadagn da frs. 5784.90. La facultad da la societad importa als 31 december 2021 frs. 72'048.54

Dals revisuors da quint

Ils revisuors da quint manzunan ch'els haun chatto la contabiledad in bun uorden. Ils saldos da banca correspuondan ed ils mussamaints sun avaut maun. Els propuonan a la radunanza generela, d'accepter il rendaquint 2021 e da der dis-charg als organs respunsabels.

La radunanza generela accepta unanim il rendaquint preschanto e do dis-charg als organs respunsabels.

3. Fixer las contribuziuns annuelas

La suprastanza propuona da lascher la contribuziun annuela pel 2022 scu fin uossa.

Ils preschaints acceptan la proposta da la suprastanza sainza cuntravuschs.

4. Tschernas

Suprastanza

Gian Andri Godly (president), Mattia Irniger (chaschier), Gudench Campell (assessor) e Marc Wolf (Actuar) vegnan reelets. Gian Andri s'ingrazcha per la fiduzcha. Steivan Luzi ho decis da der la demischiun scu schef da chüra. La Suprastanza ho ouravaunt infurmo la societad, cha nus essans in tschercha d'ün nouv schef da chüra. Fin ils 3 favrer es entro üna candidatura. La Suprastanza propuona a Luis Wieser Jr. scu nouv schef da chüra. El vegn elet unanimamaing.

Revisuors da quint

Riet Campell e Heinz Thomas vegnan reelets sainza cuntravuschs.

Cumischiun da trofeas

Curdin Joos, Marc Wolf, Gian Paul Derungs, Mathias Heiss, Robert Angelini, Dario Fontana, Linard Parli, Sascha Frigg e Corrado Robbi vegnan reelets sainza cuntravuschs. Gian Batista Meng ho decis da der la demischiun. Gian Andri as ingrazcha per sia lavur presteda i'ls ultims ans illa cumischiun da trofeas e surdo üna butiglia vin. Steivan Luzi vegn proponieu ed elet scu nouv commember da la cumischiun unanimamaing.

Delegios per la delegeda

Ils preschaints sun perinclets, cha quist an dessan Mattia Irniger, Gudench Campell, Marc Wolf e Gian Andri Godly rapreschanter la societad da chatscheders DrosLöng a la delegeda dals 14 meg 2022 a Ftan. Natürelmaing paun eir oters commembers piglier part.

5. Accoglientschas ed exclusiuns da commembers

Thomas Pinchera ho fat la dumanda da dvanter commember A ed Armando Tramèr da dvanter commember B da la societad da chatscheders DrosLöng.

Ils sur numnos vegnan piglios sü illa societad sainza cuntravuschs.

6. Approvaziun dal program d'activitads 2021

Delegeda a Ftan	14.05.2022
Lavur cumöna	21.05.2022
Tir a schaiugia	(07,14,21).07.2022
Di da chüra ufficiel	16.07.2022
Gita	23/24.07.2022
Tir a schaiugia incl. SCEO	04.08.2022
Tir da chatscha	16.08.2022
Saireda da nossa secziun	04.02.2022

7. Zonas da quietezza

Gian Andri infurmescha als preschaints sur da l'agir fin hoz. La secziun ed il cumün da Zuoz propuonan da transmüder las zonas da quietezza, chi sun gnidas trapartidas düraunt l'inviern 20/21 scu zonas temporaras in zonas definitivas cun qualche müdamaints. (plan vair annex).

Gian Andri evra la discussiun. Flurin Schur declera, cha la zona da Vallatscha saja per el greiv da controller, causa cha fich bgers skiunz da gita sun lo in viedi. Andrea Gilli manzuna, cha el vezza eir skiunz chi vegnan gioò dals laviners da not, tres Da la vart da la societad es gnieu fat il pussibel, uossa es la decisiun tals cumüns ed l'uffizi da chatscha e pas-cha.

8. Revisun asils

I sun entredas 3 propostas per müdamaints dad asils

God Murtiröl (Gian Reto Sonder) proposta d'abolir il asil sainza cumpensaziun.

Gian Andri muossa sü ziffras daspö cha que do il asil, las cifras sun offiziellas da l'uffizi da chatscha e pas-cha.

Gian Reto piglia pled ed es da la vis cha l'asil nu frütta per il tschierv, Flurin Schur piglia pled e disch cha el nu vezza üngüns argumaints dad abolir il asil Murtiröl. Andrea Gilli piglia pled e fo la proposta da lascher il asil, causa cha in sieu vis frütta il asil saja que per chatsch'ota ed eir chatscha bassa. Christian Wolf piglia pled ed es eir per mantgnair il asil.

Gian Andri fo la proposta da vuscher gio.

3 vuschs per abolir

14 per mantgnair

16 abstinenzas (chatscheders na paricipos a quel asil)

Cun que resta il asil God Murtiröl per ils prossems 5 ans.

God Laviners (Cristian Cordett) fo la proposta dad abolir il asil. Gian Andri muossa sü las cifras da'l asil God Laviners. Cristian nun es a la radunanza per pigler pled. Flurin Camichel piglia pled, el ho discurriu cun Cristian ouravaunt, ed es da la vis da mantgnair il asil per ils prossems 5 ans. Furin Schur piglia pled ed es eir da quella vis.

Gian Andri fo la proposta da vuscher gio.

0 vuscher per abolir

15 mantgnair

18 abstinenzas (chatscheders na partizipos a quell asil)

Cun que resta il asil God laviners per ils prossems 5 ans.

Nouv asil Chaschnella (Curdin Joos) Cudo piglia pled e fo la proposta da fer ün nouv asil da chamuotschs aint ils chamins da Chaschanella. El managia cha'l chamuotsch nun ho grand pos aint in quella val. Cha da temps pü bods d'eira que auncha il cas. Flurin Schur piglia pled ed disch cha davart l'uffizi da chatscha e pas-cha saja que difficil da fer lo ün asil causa chi nun es üngün god. Heinz Thomas es da la vis da Curdin e voul glistess fer la dumanda a l'uffizi da chatscha e pas-cha.

Flurin Schur declera cha nu saja per il mumaint neir üngün terrain liber per fer ün nouv asil (la surfatscha dals asils in Grischun nu po gnir augmanteda, scha vain planiso ün nouv asil stu il prüm gnieu abolieu ün oter asil.)

Gian Andri fo la proposta da vuscher gio.

19 schi

1 na

13 abstinenzas (chatscheders na partizipos a quell asil)

Riet R. Campell scu cha nus gains uossa inavaunt. Nus scrivains ün invid ils chastcheders parizipos.

A vain decis da funder ün pitschen gremi (AJF, Chatscheders, Agricultura), chi vo zieva a la problematica.

9. Debriefing proget da pilot chatscha speziela coordinada SFM

Gian Andri muossa sü ils resultats dals ultims ans (vair tabella suotvart) ed our da che motiv cha'l pilot es gnieu fat. El evra la discussiun e manzunescha cha uossa haun ils preschaints la pussibilitad da's exprimer a reg proget da pilot.

Gudi Campell piglia pled e disch cha dad el oura es da mantgnair il pilot our da vista da sgürezza, saja que schi do bgera naiv chi nu sun tuot ils chatscheders inturon las vias a Chapella. Impü funcziuna la comunicaziun e la collavuraziun traunter ils chatscheders minch'an meglder. Gian Cla Feuerstein piglia pled e disch chi füss eir dad infurmer ils chatscheders d'utro scu chi vo inavaunt cul proget. El es però eir da la vis cha nus gains cun ün bun exaimpel ouravaunt cun quist pilot. Gian Andri disch cha els haun la

pussibilitad da dvanter commembers A u B da nossa societad scha vulessan esser involvos pü ferm. Andrea Gilli es eir da la vis da mantgnair il pilot.

Hirsch	Plan Sonderjagd	Jagdtage	Differenz zum Plan	Bemerkung
2018	122	6	- 96 (SJ 26)	Abbruch Sonderjagd aufgrund des vielen Schnees, sowie Wolfspräsenz
2019	93	0	- 92 (WH 1)	Zu spät angefangen, anschliessend starker Wintereinbruch; Keine Sonderjagd
2020	53	2	- 26	Zuerst wenig Schnee, dann starker Wintereinbruch und Abschluss der Sonderjagd
2021	73	8	0	Wintereinbruch, gute Jagdbedingungen

Flurin Schur piglia pled ed disch cha el ho eir fat l'experienza cha chatscheders d'utro ma eir indigens as nu sun adüna be cuntaints sur da quist pilot. Gian Andri manzuna danövmaing, cha mincha commember ho clappo l'invid cun las tractandas ed ho quista saira la pussibilitad da's exprimer in chosa.

A vain vuscho seguaintamaing:

27 schi (per mantgnair il proget)

2 na (per abolir il proget)

4 abstenziuns

10. Proposta a maun per la delegada 2022

A nu sun entredas üngünas propostas.

11. Infurmaziun davart l'uffizi da chatscha

Flurin Schur nun ho ünguotta speciel da quinter da la vart da l'uffizi da chatscha e pascha. Causa cha els haun la seduta d'infurmaziun pür mited favrer. El fo la proposta da spuster la radunaunza generla sün l'afin favrer. Gian Andri piglia pled e disch cha que nu saja pussibel causa cha nus vains da der aint propostas per la delegada fin ils 15 da favrer. Flurin Schur quinta chi haun pudieu musser sü 3 casturs in Engiadina 'Ota cun facts da DNA. El infurmescha cha a regard luf saja que per il mumaint ter quiet. Riet Campell piglia pled el giavüscha cha l'uffizi da chatscha e pascha dess infurmer ils cumüns ouravaunt scha els saun cha il luf es d'intuorn. El fo il exaimpel da Chapella da la prümaviara 2021. Adonta cha l'uffizi da pascha e chatscha d'eira oriento, cha ün luf as rechatta illa regiun/pascul da prümavaira, nun es gnieu nun es gnieu üngüna infurmaziun al cumün ed als paur. La muaglia es gnida missa a pascul e per poch ho que do ün aczidaint traunter duos giasts cun ün chaun e la muaglia (ferm agiteda tres la preschentscha dal luf in stretta vicinanza), in futur as less eviter que. Furin Schur piglia gugent sü la remarcha ed infurmescha a sieus collegs da l'uffizi da chatscha e pascha.

12. Varia

Gian Andri infurmescha a regaurd "grüner Draht" cha nus da la suprastaunza nu sustgnains l'agir dal president dal BKPJV (Tarzisius Caviezel).

Heinz Thomas piglia pled, e disch cler e net che cha el craja, cha quist nun ho pü da che fer cun üna democrazia, cha el nu po decider sulet sur da nos sistem da chatscha.

Gian Cla Feuerstein piglia pled e disch cha uossa füss cò la schanza da müder qualchosa. Marc Wolf piglia pled e disch cha uossa saja i fos mumaint da müder darcho nos sistem

da chatscha causa cha vainsa gùsta guadagno duos votaziuns a favur da nossa chatscha e pudieu musser sù cha'l sistem funcziuna.

Duri Campell chi'd es aint in la cumischiun da chatscha disch cha els nun haun neir na clappo la infurmaziun da l'agir da Caviezel scu cha el es ieu oura tar las medias cha ils chatscheders staun davous el.

Giachem Bott piglia pled, el saja eir fich dischilus dal agir da nos president, scu cha el as voul forsa profiler.

Gian Andri fo la proposta da vuscher gio scha nus vulains piglier pusiziun negativ davart l'agir dal president dal BKPJV Tarzisius Caviezel.

Votaziun 33 per Schi ed üna cuntravusch.

Gian Andri infurmescha a regaurd salvamaint d'uzöls, fin uossa as haun annunzchos 8 commebers per la scolaziun. Gian Andri as ingrazcha per l'ingaschamaint. Ils prossems pass sun chi vegn piglio sù contact cun Armon Schlegel a regard scoulaziun pilot da la drona. Il an 2022 clappains üna drona d'imprast e pel 2023 esa planiso cha clappains üna egna drona per nossa societad.

Cella da sfrader, Gian Andri infurmescha che cha nus vains fat in uossa. Ils cumüns in la zona La Plaiv nun haun regieu sün nos mail ourdvar S-chanf e Zuoz. S-chanf nun ho lö per la cella, Zuoz sclarischa auncha.

Duri Campell managia, ch'el guarda cun la ARO scha dess üna pussibilitad da metter sù üna cella.

Gian Peider Albin piglia pled a regaurd il problem chi'd es greiv da ir a musser la sulvaschina d'uraunt chatscha. Ed el giavüscha cha nus fains inavaunt da chatter ün lö.

Gian Andri fo la proposta da vuscher giò, scha la suprastanza dess perseguiter la chosa.

A vain vuscho giò e tuot la radunanza es unanimamaing perincletta.

Marc Wolf infurmescha aunch'üna vouta a la radunaunza cha las trofeas paun gnir dedas giò al restoran Sur En fin las 19:00. Inpü infurmescha el cha i as po auncha annunzcher per la saireda da chatscheders.

Gian Andri as ingrazcha per la preschentscha e giavüscha a tuots ün bun arriv a chesa. El serra la radunaunza las 22.18.

Zuoz, favrer 2022

In buna fè
l'actuar:



Marc Wolf

